

7

T 3210/0260.81

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 12 1936

Handwritten text in vertical columns, likely bleed-through from the reverse side of the page. The text is faint and difficult to read.

Blank page with faint horizontal lines, possibly a separator or a page with extremely faded text.

國朝呂正音字五正號夢軒生而異敏祖家器之

國朝書院藏

冠補弟子員歷困阨將五旬識者惜其才可大受
而久不一遇也正音怡然曰窮則獨善士之常耳
順治甲午乙未聯舉成進士所親多爲之喜正音
謝曰吾輩一生力學豈爲博科名計耶其不芥滯
得失有迥異于常情者初任山東昌樂令典刑剔
弊政簡而嚴邑以大治時

朝廷以內吏者外吏之表率亟欲得循良卓異之士
而用之正音蒞昌甫七月廉聲上達遂膺

丙召去昌之日父老遮道攀轅悲悵如嬰兒之失慈
母迨 陛見授戶曹主事未幾典權鳳陽至則葺
火耗汰濫役惟惠商裕課是念商民靡不感悅總
漕林公特疏薦之注上考遂任督理寶泉局在
例邪限銅劬十萬匠頗多而坐糜廩餼故掌局者
嘗或附鑄正音白部堂按卯增鑄有裨 國計爰
著爲 令丙午奉

命主廣東鄉試偕同考官矢公矢慎務拔真才一時
知名士咸與其選旣而遷刑部郎中凡讞重獄多

所平反寃者獲釋都下相傳有得遇呂郎中寃囚
無死法之語然獨于怙惡輩毅然不稍徇縱嘗會
審提帥某酷掠民婦一案衆方瞻顧正音竟謫發
其暴橫諸狀帥以折服而被掠者悉得放還秩滿
陞江南徽寧道徽寧兩郡阻山時因 裁去監司
奸宄竊發守令莫能制江督請復道員以整肅之
廷議擇德望素著者正音因有是 命下車制禦
曲當纔閱月萑苻革面四境帖然顧其俗險健正
音一以德化之數年之間民風丕變幾于無訟後

來撫軍者但見地方晏然無事而不知由其銷弭
之力仍請 裁缺特加正音朝議大夫叙功另補
正音甫歸里而兩郡之盜又充斥矣其去留所係
如此蓋其在內任則 國阜而刑清在外任則化
行而俗美要皆夙養積學所致非偶然而得之也
居鄉醇謹下八力行義舉年七十五卒于家生平
孝友質直不事浮飾持身涉世一本至誠雖極狡
黠之徒見之莫不感服其表裏如一窮達不渝之
槩堪爲後學楷模云

鄉賢之三忠節

宋董公健字伯強雪溪人宋宣和庚子冬睦寇方臘
起桐廬焚掠州縣蔓延新昌有五千餘人當晝入
縣官吏奔竄莫敢當民望風響應賊寨布滿公健
慷慨奮往率子弟與鄉人密授方略聚兵萬人遂
破賊焚寨斬首級以千計平民全活者無算是役
也不煩王師遂復故邑公健素以剛直廉正見推
鄉黨及守禦戰陣紀律嚴明所得賊貨罔敢自私
由是人心益加畏服旣而王師討剡西賊起公健

爲先鋒公健藉累勝之威輕視逆黨以數百兵當
數千衆殺獲甚多賊咸奔北旣而王師不進勢孤
援絕公健度事不可爲呼衆語曰大丈夫當以義
死不可苟生遂自殺人皆嘆息垂涕贈武功大夫
汝州團練使今祀鄉賢長子授蕭山尉次四子皆
承節郎

見郡志

石待舉字寶臣幼奇偉有氣節博學能文初爲父
渥卜兆旣得卜術謂不利幼子諸兄疑未決待舉
曰父得藏身奚卹其他手持畚鍤以前遂克塋旣

而第進士知上饒縣政明刑清一邑大治天子降
詔褒諭之會河陝用兵詔除通判保州先是州有
雲翼軍數千人俱隸沿邊巡警當用武時精銳驍
悍故廩給特優治平間復領以中貴人訓練無法
偃蹇日甚待舉下車條奏其事乞均廩食且以武
臣領之驍卒往往怨語中貴人武繼縫罷去武臣
俞貴代之貴本侯家奴以主恩得官怙寵恃勇與
中貴人構怨卒乘間鼓譟劫庫兵爲亂待舉聞難
徒步率州兵得數百人與州將劉維宗巡檢史克

順討賊轉鬪于市賊鋒銳不可當克順降之州兵潰待舉與繼宗脫身登埤招集潰兵謀復討之叛卒乘城繼宗死於隍中待舉爲手書縋城求救於定州左右具筏請渡隍待舉曰食其食死其難義也爾曹欲吾苟免非臣節遂遇害

吳觀又名公一字叔大其先有名濟者仕吳越爲御史中丞宋初棄官居新昌鄉人爲之立祠觀奇偉有氣節嘗築桃溪義塾以待四方學者故能大肆力於文章業成入太學上書言邊事不報

庚申試六師大振天聲賦遂補稽山書院長未幾元兵南下與同舍陳非熊謀輔宗室節度使某固守以保越事覺咸請遁去觀不聽兵至城陷就執總戎諭之使降觀曰吾宋臣當守臣節且吾不以死懼故至此事之成否天也陳非熊旣死吾可獨生乎終不屈遂遇害子班負骨歸葬後祀鄉賢班痛父死能孝養其祖父母人咸稱之

見郡志

陳非熊一名煥字思齊有氣節與吳觀同試六師大振天聲賦授稽山院長元將伯顏南侵朝議不

協太后詔降恭帝北轅檄報慟哭卽與觀謀奉趙節使圖恢復率家人集義勇千餘繕城固守元引兵薄城令張白虎招降非熊叱曰汝曹反招我降耶力戰而死弟熙彪虎子圭學姪墻坑數十餘輩皆被害惟子壘留新昌獲免痛父死難屏居讀書後至元十四年娑寇掠新昌邀擊陳宣尉壘率宗人赴援聞宣尉死憤激決戰皆歿於敗兵嶺可謂世濟忠烈云後人賢之推祀學宮

元董旭字太初公健之後也少負英氣博通羣書與邁里古思最友善占思欲興師討方國珍臺臣怒其不稟命殺之旭作詩傷悼其辭極哀楚遂歸隱山中居無何國珍據台慶強欲羅致幕下旭拒不受乃作詩曰鬱鬱芒碭雲未辨蛟龍形熒熒祥星光未燭夾馬營君子慎其微草露不可行國珍復強之終不屈又作紙鷄詩云爾形外假其中澆骨本非骨毛非毛牽連作隊小兒戲舞弄直上青雲高只恐天瓢降霖雨濕爛破碎歸荒郊遂遇害

見郡

志

董會字貫道旭之弟也少年學丹青術嘗訪鄉先生潘嘉坐客以畫士鄙之會愧甚即焚其畫筆拜嘉為師而受學焉不三年通習經史元末兵亂不求仕進所著古文為先輩稱許方國珍僭據城邑欲官之不受遂避居東陽山中明太祖駐驛金華以禮招致會往見說以經畧授知無為州遇陳友諒寇城被執不屈而死州人立碑頌德有詩集天姥山賦行世今祀鄉賢祠子荆別有傳薛登進士官御史

見郡志

黃與東不知何許人舊志稱其舍生取義人有詩吊之曰名隨身共沒心與義俱生今不能詳其實矣惜哉

俞志虞字際華號華隣中甲子舉人

崇禎甲戌

成進士

授四川順慶府推官政尚寬簡或謂司李刑官也況治蜀宜用嚴虞曰蜀當奢酋構逆民力既殫僅存喘息譬之久病初起須補益元氣用峻利之劑可乎獄中滯囚詳審再三有可矜原者輕之株累者釋之囹圄一空性復愛士以文章求教者與之

議論媿媿不倦詩辭酬和有松韻集梓行丁丑流寇入川道經順慶紳士會議欲糾集民兵堵截虞曰不可寇今深入必有大批追蹙此窮寇也若驅鄉兵格鬪是謂棄之唯登陴堅壁以守其勢斷不敢久頓也未幾而督帥果領大兵至見其鎮以寧靜喜甚爲特疏題敘時重慶關李官郡民控院求調虞於例弗合衆懇求不已乃令兼攝之兩郡民上爭於境至重慶卽以治順者治之頌聲大作秩滿召對平臺親策治邊弭盜數事條對中旨授貴

州道御史清查度支侵耗疏叅大司農得旨爲之罷斥復上安民輯盜選將練兵任賢屯田等十餘事言皆剴切奉命巡關入境密詢有跋扈渠帥縱兵恣橫又有管餉王事泄泄不前多染指并疏彈劾卽奉嚴旨削黜直聲愈震羣相告曰此鐵面御史也有大帥以貂裘良馬來餉却勿受復嚴諭其使邊塞爲之蕭然特疏薦吳元戎稱其出自將胄諳韜畧英勇超羣朝廷重用之巡關例東巡畢先報命次西巡乃於甲申杪入都告事竣三月間闖

警逼吏曰急出巡難可避也公正色曰吾聞以王
事死未聞假王事生惟有身殉而已十九日城陷
輒投縲垂絕幼子慎憲泣解復甦厲聲曰忠孝一
致我不忠卽汝不孝憲曰君臣大義兒豈不曉或
潛出關領各鎮兵謀報復是亦遠圖公曰唉稚子
何知正所謂汲江水以活涸鮒何益哉憲曰惟欲
我父知上駕何歸爾徐曰然姑忍死以俟二十日
知殉社稷遂望闕悲號絕食露處二十三日大行
梓宮出殮東華門匍匐大慟觀者詢爲闕院皆錯
愕隨潛至新昌會館縊焉袖遺片紙云我分當一
死今不死于宅而死于館毋使賊更知有我可謂
從容就義不願有忠名者矣子慎憲殮殯扶櫬以
歸謚節愍郡人立祠蠡城與倪公元璐施公邦曜
七君子並祀焉志虞素以忠義自許卒踐其言誠
不負所學云

潘大成號魯生明末以明經授金華訓導課諸生
會文講學孜孜不倦

新朝鼎革遣兵徇郡至婺或勸之行遜曰國亡與亡

死自吾分豈以一命之微虧大義哉城陷父子死之司理陳公牒云潘教官父子殉難本廳目擊心傷可謂無媿名教矣遣人護其家屬以歸

鄉賢之四政績

宋石晝問字叔訪公揆之子也父爲秦檜所陷年十四奉其母李屏居苦學不敢應舉及檜死乃抱諫草扣闕訟父寃詔復職恩補將仕郎銓試第一轉脩職郎監造船塲充湖廣江西京西總領幹辦大軍庫秩滿改知鄞縣治_所浙東諸邑最遷軍器監

丞輪對稱旨_時命增秩召爲司封郎官懇辭主管武彘_池管_書問生平居官不苟善會計盡心職業錢米出納不爽毫釐鉤校叅驗具得其實及論兩淮_權場互市營田官庄之弊擇人久任搜訪不求聞達之人皆切於時務其爲慮深遠類如此居家歲_以三百斛給宗族之貧者疾革對其子宗昭申言之官至朝請大夫

石牧之字聖咨姿韻沉雅嗜讀書第進士試校書郎移天台令有能名時王荆公知鄞縣陳古靈知

仙居號江東三賢宰九遷至朝議大夫最後知溫
州有母訟子逆者牧之爲勸諭卒成孝子鹽城海
寇鴟張募壯士教以兵杖寇聞竄去永嘉病火民
利歎攸牧之嚴爲約束弊遂革郡有通衢久塞俗
傳闢之不利立命撤屋開路所著有往生錄易論
解雜文歌咏共七卷閩人葉經序其始末尤詳云
入郡

志

黃兌字和之登進士授汾州靈石縣簿邑居巖間
艱於稼穡教以樹藝民賴以養爲立生祠課最改

撫州團練推官知德州平原縣古田縣所在有聲
熙寧中管勾荆湖營田水利檢覈侵漁疏理淤塞
盡心民務紹興二十五年任浙東提舉

見郡志

石景術字順思登元豐五年進士入試時有五考
官同夢之異呂吉甫以女妻之授天台尉歲歉卽
賑饑民民有貰酒不與奪而往酒家擊之斃令欲
論死術曰奪酒盜也安有擊盜而罪死者乎初令
以其少易之至是屈服移仙居令有神祠在廨舍
景術命撤其像居之自如官至朝奉大夫又善事

其母外家艱匱爲買宅分俸贍之

呂秉南字景陽幼孤受經於其祖冲之冲之受經於止齋陳傅良學有淵源秉南穎敏夙成神姿秀雅舉進士授福建崇安縣尉漕司遴委福州校文品題精當人人歎服調寧國法曹獄無停囚校勘涇縣版籍別疆里清賦稅法行而公私便之未幾丁母憂起復除吉州吉有劇盜莫能禦秉南集丁壯授方畧數月掩捕殆盡部使葉夢鼎賢而薦之除淮南東路檢法官夢鼎猶以爲未酬其功也尋

改昌都令盜攻陷州縣秉南據湖死守出奇銳擊走之民賴以安授尚書省茶鹽檢閱課最遷進奏院檢校南宮試榜一時尤稱得人入預輪對以正君心明道術爲急務語極剴切遷大理寺丞尋遷司農卿固辭不拜即日渡江歸明年主管仙都觀朝散大夫賜緋銀魚袋居家孝友善教子弟升庠序取科甲者二十餘人秉南資兼文武學有師承歷任艱難成底成績乃以直道齟齬未究厥施惜哉所著南明稿十二卷載兩浙通志

見郡志

王華甫字君實王煥之弟性嚴厲登進士初宰黃巖有宗戚號難治甫到任見喪冠數十輩聚廡下詰之曰觀政甫曰縣政繁劇卒難觀命籍其名約兩月觀之皆媿服知台州治豪貴呂省蒼籍其家聲稱籍甚除浙西提刑奏劾郡守朱斗山等皆戚里內降欲回護之終不奉命寢疾俟得旨乃已

志

見郡

明章以善名樞以字行登進士知杞縣初縣困於輸賦以善第爲三等量貧富約遠近以定役之輕重

民皆稱便陞惠州同知事載明一統志

呂九思字時學美丰儀多才識初避方國珍亂讀書石鼓山中絕意世用洪武癸亥以聰明正直徵試稱旨奉命羅粟賑貸歛散有法公私便之已而勘理江西叛軍計擒首惡而辨釋誣逮者數百人能聲益著授袁州府經歷尋遷刑部照磨持法明允不幸註誤而終無諄言聞者壯之

呂童字邦用治春秋貢授揚州府興化縣知縣自宋范文正公爲令移風易俗至今猶有先賢之遺

化童履任旌異節除宿弊百廢具舉豪吏蘇奎邵
 信關節通巨璫視令丞若僚佐童包含歲餘一月
 盡發其奸奏而磔諸市境中肅然日與民墾田闢
 野治溝洫修鄉校訓誨其子弟治化孚洽蒞官十
 三載始終若一日民愛之如父母童嘗以公事註
 誤士民赴關陳懇詔復其官部餉東南事竣還縣
 以勞瘁卒吏民哀痛如考妣朝夕奠哭者千數與
 文正並祠名宦童有識鑒一見高文懿公穀於童
 穉中卽以宰輔期之高感激知遇終身執弟子禮

為童撰墓志銘述其惠政甚悉載明一統志

見郡志

童敏字以達幼端慤不喜嬉狎稍長篤學工詩文
 善事父母孝敬備至母嘗病癱仰天號泣願以身
 代侍湯藥衣不解帶母終哀毀踰禮待昆弟克篤
 恩義舅氏朱晚頗不振為築主置田于南塘以贍
 之卒為葬先塋之次以貢授刑部主事是司號為
 繁劇敏究心獄事辨決不留累陞郎中益精斷讞
 獄囚反司刑者懇累凡在獄率嚴刑以速其斃敏
 曰彼雖麗辟國有典且在獄者卽非反何用虐為

囚皆感泣大學士高穀薦擢真州按察副使彝民
荒遠難盡繩以法敏每事必忤大體行部布令嚴
飭武備崇修學校禮賢德戢家強識者謂其寬猛
適宜是時苗賊猖獗攻圍城坐阻絕道路饋餉莫
給設策建議開通川播之路而總督諸官始獲達
境兵食稍足賊鋒屢挫諸城圍頓解軍民賴之以
年乞致仕進^此亞中大夫歸創花鈿庵捐田置漿
以便行人云

甄完字克脩幼穎異家貧力字蕭山魏驥甚器重

之比長登進士第初拜刑部主事時高庶人叛逮
捕株連無辜完爲詳讞全活甚衆轉員外郎出爲
廣西叅議廣西故百粵五嶺之地彝獠雜處多瘴
癘戍兵死者相籍完奏易以土人兵不耗折又建
議營田於近地以免轉輸之費從安遠侯柳溥征
大藤等峽斬獲甚衆上嘉其功賜以文綺臧獲初
廣西民出粟給靖江王府祿主倉廩吏怙勢虐取
民罄產不償完爲釐筭疏請革之景泰元年轉湖
廣左叅政時車駕北狩廣東盜起湖南大震完旣

督運以給東兵輒以便宜往來視師從克香爐諸
寨卒以功拜河南左布政使河南七郡水旱相仍
民多流殍完至發倉賑貸奏蠲夏稅其活民以千
萬計黃河經汴城堤壞田廬悉淪沒危及城郭又
張秋決浸淫數百里運道不通完佐都憲徐有貞
修築日夜不倦堤成而河患息其任方岳前後凡
二十年皆有志政及民時朝廷遣六部按行天下
考察獨甄完所治不復命考因使少保于謙諭意
其受知眷如此居官清儉夏常服芡葛右方伯馬

公因宴會潛令計工製青紗

之完感其意服之

終身居家孝友遇貧乏輒賙之爲諸生時方貧困
父嘗受寄鄉八百金父與鄉人俱歿完密召其子
還之既貴始終不渝其操時方冀其大用而完屢
疏乞骸骨歸卒于家所著有南遊稿歸田錄今推

祀鄉賢

見郡志

俞振英字仲英少聰敏有奇氣好讀書爲文登進
士授安東知縣一日得淮流浮尸衣夾揚州市緇
目曰是必有寃遂遣數人分入羣盜中市緇默察

其色記相符者貴買之一人得數縑歸與目無二
索其舟果得餘縑并所掠少女衣物女言亡官眷
屬被害已十口矣獲盜二十餘衆皆伏死人稱神
明移官臨淮和易寬平民稱樂業弘治戊申詔修
憲皇實錄傅采公議振英得以循良附名國史後
丁外艱再補豐城邑大旱申理淹獄露禱不食明
旦大雨民歌二兩歲無麥今得雨伯丁內艱補貴
溪令平反疑獄不致沉抑擢廣信通判會有國喪
中使逞威所至黷貨振英挺然面折數其罪狀上
下賴之陞陝西兵備僉事以斬葵有功擢尚寶司
卿逆瑾擅權文武將相皆出門下振英至京或謂
曰曾謂劉可禮乎書刺必謙抑振英再三詰故乃
以已刺示振英振英不答出曰吾老矣不能借尚
方劔尚可俛首奄豎稱小的乎遂棄官歸天下高
之家居甘澹薄時人無異議焉

呂大川字中原別號中孚成化庚子舉人甲辰登
進士歷任知廣東惠州府居官五載卒于任嘉靖
間追祀名宦祠惠州名宦傳稱公才識精敏決判

如流吏不能竄其私至於簿書米鹽皆有條法郡城東北瀕江恒被衝齧公哀土甃石爲巨堤以捍水患其所淫祠鄉人事之謹命沉于江杖其人而遣之郡學就圯重建尊經閣修饌堂號堂作射圃觀德亭正德丁卯征劇賊張權公隨軍督餉察諸俘之脅從與註誤者釋之所過鄉聚召耆老諭之以禮南海張謂曰呂惠州之政霜雪內有陽春戎馬中行俎豆者也語見明一統誌及李氏藏書呂若愚號望松爲人方介不妄言笑非禮勿蹈入

太學生嘉靖四十年舉於順天次年登進士授江西瑞金令下車益礪操守不假人顏色興利除害民愛如父母若神明縣有妖術惑衆能驅雷電聚徒千人若愚廉得呼之來抗不伏杖之忽霹靂震公案不爲動立杖斃之邑人懾服任滿轉刑曹士民泣留立祠祀之轉駕部郎以方嚴爲同僚所忌遂掛冠歸家居淡薄跡不履公庭縣令請教無一言及私事新邑舊解南糧何司馬鑑奏免後鄰邑攀新同解若愚力言于撫軍遂得免解如舊里

遜德之醪金三百致謝却不受因建祠西郊歲時祀焉

呂繼榎字思楸號珍吾三歲失怙知志泣十二能文大司馬沃洲一見稱異事二母至孝尤以顯揚爲盡子職篤志力學乙酉舉於鄉試南宮隸乙榜以母老未沾祿養就泗州授講道興行人士翕然謂湖學復興刊志名宦陞蜀慶符令慶適大稜設法賑給多所全活里多做役釐之使無偏累困者以蘇人文久否加意培養其獲雋者皆所首拔士

觀察使者廉知其賢輒示爲通省式以母韓氏憂歸慶人建祠以祀後崇祀學宮按敘州府誌有才大學充氣平長濶作士多有興起救荒全活億兆語自漢迄明名宦僅四人而榎與焉服闋補閩松溪令滌煩除苛士民感悅著暮化錄以紀績甫八月陞薊州守薊三輔重地民氣頗囂以振厲兼撫循人心大肅無何以越獄事改道州至則修濂溪之學顏其堂曰守拙政成民悅以爲亢宗次山再見云又以母蔡氏憂解任州人鑿石以紀善政凡

二十有一起補趙州趙民向疲於衝當事動以民力媚璫人心如沸榷抗不奉命未幾左遷漳州府判漳故多豪右榷以雅靜鎮之人皆歛手視篆海澄有洋稅積弊非一端條十議鏗為成書商人感德以檀肖像而祠焉雲霄鎮舊有城堡已復於隍畚插苦無貲搜剔豪右所蝕者為之修築民用貼席居鄉以俸餘遍給親族置祀田以示孝思所著有風萍集宦遊諸草與龍虎上將軍小齋先生甲軒公稿並梓傳世崇祀鄉賢

俞相廷字中岳號石谿生而穎異八九歲能成詩文大學士潘晟見而奇之年二十登萬曆乙酉鄉薦益殫心古學兩中乙榜皆以淵博見遺新邑自築城後科第晨星相廷持議開青陽門以迎巽水復建鐘樓築西阜以障水口日夕經營不辭勞瘁嗣後人文鵠起皆其力也筮仕蜀南江令水蘖自持念當奢酋構逆民疲已極於是緩徵收勸農課士弭盜賊出疑獄訟簡刑清未期而誦聲大作時奢逆豕突遵義朱部憲提兵進勦廷為轉餉弗絕

握手慰勞有牛鼎烹鷄之喻寇退遂首薦時流賊
入蜀所過焚掠勢甚猖獗逼邑外郊延集紳民登
陴固守賊圍攻一日去闕月賊倍衆來仍堅守如
前賊下營欲爲久困計人心惴惴乃令勇敢士乘
夜縋城而下持白牌上書北道發大兵且至投之
賊處次早賊趣乃謂衆曰此暫時設計耳賊復來
孤城將何恃乎輒捐俸及服飾募驍勇數十人爲
衝鋒選胥隸之壯者百餘人集鄉兵爲後勁以尉
領兵復令子之甫監督以行指授方略多埋伏勤

偵探賊自通江來衆上山以待俟大隊過卽滾石
自高而下聲同雷震傷渠魁二人會巴州援兵至
軍聲大振邑賴以全三院交章薦劾者九選南臺
便道歸里卒聞者皆惜其經濟未展祀名宦

陳九級號雲峯力學嗜古萬曆丁酉舉于鄉授海
鹽諭諸生多所成就陞雷州遂溪令雷爲烟瘴荒
裔且濱海颶風時作民無寧宇地異俗殊厥治惟
難級至豈弟宜人耕耨以養庠序以教因其勢而
變其俗政成民悅祠祀至今

呂奇策字可獻號金門敏悟夙成過目輒成誦品格軒朗不立町畦篤于孝友兄弟皆仰給焉萬曆癸卯領鄉薦已未登進士授行人陞工部主政魏璫勢烜赫或勸之趨謁臺省可立躋日寧失官此膝不可屈也風節矯然竟忤璫謫福建都事後璫敗召補秋曹轉司馬郎時京師戒嚴策調度有方擢淮安守判分蠹革陋規剖決如流人謂之順水鴈淮爲南北轉漕要地料理悉得機宜藩府經過中使需索毅然不應卒亦遁迹去一郡以安後歷廣東南雄府到任卽辭歸歷任餘于南雄淮安皆有像立祠祀焉

俞夢盛字惟美選貢任陝西金縣令性孝友母鍾愛其兄曲意承順凡館修廩餼所入悉以聽兄而已無所私蒞金邑廉公惠愷以忤當路謫寧國府授途遇劇盜曰此吾仁慈父母也戒母犯且護出險在寧課士以敦修實行爲務改山左威海邊隅寡文教日與諸生橫經講藝寒暑不輟以勞瘁卒於官蕭然一室士民醵金以殮

潘復敏字存功號姥曰萬曆壬子舉人後授廣東韶州曲江令甫蒞任見江水泛溢湘江門城址水齧殆盡亟爲築石三十餘丈以防之邑東隣南雄多水盜行旅道阻爲設哨船撥兵循環警備盜乃屏跡又預備火藥人謂之迂旣而上謁撫軍卒有楚寇數千破樂昌突圍韶城聞報卽請兵赴難決圍入守出火鎗鑄鉛丸率居民厲士卒晝夜拒守閱七日而賊潰斬獲數百人追散賊黨一郡以安邑誌殘闕親爲纂修燦然可觀秩滿擢姑蘇治中

除耗剔弊新政甫行以前不媚上官爲當道所嫉夔解職而歸天性孝友與人和易且博學贍聞遭兵燹家業蕩然怡然自得以返其初服爲幸焉

呂承麟字允祥大司馬光洵之孫幼孤事母能孝以蔭補建寧府判理劇游刃有餘以乃祖所垂清慎勤三字爲典則當道廉其能所屬七邑委視篆凡五所至輒有聲崇安乃司馬舊諱父老觀新政咸嘖嘖曰真清白吏子孫也秩滿陞廣東高州府同知殫力禦防邊溘晏如以母老告養歸建祠祀

司馬并新其坊時人稱順孫云

呂新周號嶰谷生有異徵穎慧夙成髫年端方愿
愆家學淵源經史百家無不淹貫萬曆丙午膺鄉
薦以南宮屢躋授滁州喜曰此歐陽文忠之所守
也下車洞悉積弊唯養馬爲害最大新周爲均貼
分派富民不得詭脫貧戶始可甦息立碑刊爲永
例其窩盜窩娼者有天罡地煞之名悉廉而置之
洪奸黨遂散來安有錐子會以利錐錐人強劫其
財爲誅其首惡滁民德之立祠于醉翁亭畔又立

祠于邛邛寺歲時祀之天啟時魏瑞勢薰灼阿附
者欲爲立祀以滁爲首力持不可人皆危之周執
之彌堅事行而魏瑞亦敗咸欽其鯁亮之節焉
入爲大理寺副多所平反左遷居庸別駕監督中
官怙勢索瘢公嚴于禋躬查盤州縣餽遺悉却卒
無隙可指反加敬禮及暮以薦守莒州又喜曰此
子夏所宰之莒父也力清衙蠹盡除宿弊爲奸宄
所憚有稚子葛明煌其父爲仇家所害稍長手刃
殺其父者自繫于獄案歷年不決公援漢唐報父

警之詞引經斷獄遂得允釋左遷淮府長史慨然
賦歸作糜以救饑者家居唯吟咏不輟尤長于行
草書著有來滌漫咏堅匏瑣言已刻行世

呂治號弦我官西蜀保寧府幕剛直不阿視篆閩
中復署南部事前後三載餘一以清白自持邑有
顯者其弟殺人欲枉法以徇治不爲動又行重賄
持之益堅竟以罪輿論快焉奉御史牒查核州縣
無纖芥私咸敬憚之後以忤勢左遷藩封散秩遂

出冠歸

章泰亨字履安號來陽萬曆己酉領鄉薦爲孝廉
二十餘年絕跡公庭有邀以竿牘者必正色拒之
居鄉謙謹人無不敬慕焉就分水諭與諸士文行
相砥捐俸修五雲山舊址嗣後登科目者相繼不
絕陞廣西武緣令壤接交趾多金錫珠犀之產澹
泊自矢一無所取吏民畏服每歲霜降時里民必
獻常例五百金却弗受且聞諸臺省置碑永禁其
俗訟者兩造各數十人每名必先輸紙價然後赴
質皆爲之痛革歲餘民俗一變監司吳思溫以清

介聞時目為海忠介一流特器重之丁外艱歸行
李蕭然為人儉樸蔬布晏如常曰清約二字傳家
寶也

鄉賢之五孝友

宋石衍之字克美幼穎悟舉進士調懷仁縣尉其父
待舉通判保州死雲翼之難而賊以窘降詔原之
衍之徒跣詣以乞誅賊書五上不報衍之追慕哀
瘠既終喪無仕意或勸之行迫於母命調弋陽清
流二縣多盜賊衍之授方略捕而寘之法境內以

安為仙居令以父之故忽忽不樂移疾不行荆公
當國使人諭意不答遂調長興縣丞而歸元豐二
年以大理寺丞致仕

呂蒙字仲晦事親至孝痛父集蚤喪葬于邑之杜
潭不忍舍去居墓下久不返子琰以父年老遠居
苦淡自抑憂懼不已乃即母所塋白龍巖謀築室
其傍將迎居以便終養時紹興戊辰歲秋饑米斗千
錢琰竭囊糶於京口度其還可以畢事無何米舟
沒無遺粒而歸琰不以為意畢力救之乃迎父居

其中蒙感母脩齋禮佛亦盡食終身一日焚香危坐而逝合葬龍巖琰克終大事無以家務屬諸子居龍巖舊廬戀墓不返榜其廬曰報慈用父詩句也每至忌日必哭泣盡哀如是者積久不懈後以子元之等貴受封葬於陳巖陳止齋為銘墓

入郡志

元石永壽字德遠待旦十世孫性孝厚事親至孝元末兵亂父謙多年老被執兵欲殺之永壽亟抱父求以身代遂殺永壽父獲免鄉人哀之推祀學宮事載明一統志

入郡志

明胡剛字惟輔行軍司馬胡璟裔孫也生有至性洪武初其父坐累工役泗上以縣工事覺當刑勅驛馬都尉梅伯監斬八十二人時剛往省代役於待渡間聞其事遂裸跣泗河而渡奔走懇訴求以身代言與淚俱情甚哀切梅憐面奏之特蒙恩宥父子皆全而同事者俱免淮人德之至今相與傳頌云

入郡志

呂升字德升事父百歲翁至孝幼時遂不入私室與父同寢務悅其心父年高齒不任堅每食盡

肉一斤升率妻子供餼必極精爛父出入必呼升隨或適旁近舍升不隨行則不往若嬰兒不能頃刻離其母然父年益高便溺不時升承順益謹夜嘗四五起時元兵至升負父避鷓鴣山出覘賊爲所獲知其孝子也善視之與食飲不入口輒泣下賊亦憐之命歌升爲青天歌浩浩歌歌已輒泣夜令擊刁斗升思父嘆賊感動縱之歸升夜行晝伏凡三晝夜還家扣戶侍者以爲鬼物久之啟戶乃升也相視大哭出其足芒刺一握升園有美杏

父所嗜鄰豪竊之并奪其地升爲文訴城隍神即譴豪疽發背曰還孝子地乃已豪妻子匍匐叩門還地疽卽愈也孝通神明感盜賊若此明洪武應孝弟力田詔授江陰主簿辭不就乃以布衣奉使山西三十三年再徵入覲又辭歸自號小小齋曰半村懼曰沃州耕釣者升天資龐厚神氣冲和儀度凝然讀書究大旨嘗手抄六經親爲箋註初年家居教授與姪不用九成歌詠唱和士大夫東西行必訪問小小齋升卽留信宿酌酒論文日夜不

倦有小小齋稿載浙江通誌卒祀鄉賢初升有妾
既遣而生男於外長子珮潛收養之至是次子璉
卒父感傷珮因見其弟於父相見甚歡其先世曰
蒙曰琰俱以孝聞時稱四孝子云

入郡志

吳希汴字克素性柔順恂恂謹畏事父宗信承順
顏色務得其歡心洪武初捕民斷指者戍遐方其
父以疾失將指之半里長懼連坐將執于官希汴
憂形于色會有善接指者人弗之信希汴獨心喜
乃截右足小指接父將指彼此血出淋漓月餘瘡

愈指果續已而瘡復潰斷指如故希汴籲天誠禱
復截左足小指接如前法血交氣貫一指宛然如
生鄉里驚異以爲孝感所致云

入郡志

章衡民名澧以字行舉洪武鄉試銓賜第二人賜
衣二襲授建昌府教授澧早喪父竭力奉母兄臥
病躬侍湯藥及亡敬寡嫂如母撫兄三子如其子
後母嫂相繼病亡久弗克葬澧晝夜恚號隣里皆
感其誠而賙賻之衡民早卒子以占甫九月妻俞
氏鄭氏皆克守節教成其子中順天鄉試第一

俞壽字本初生有美質垂髫卽能屬文及長從董貫道學性孝友父母沒哀毀踰禮弟兄相繼失明迎醫療治不愛錢帛妹氏將嫁知其以奩約不樂行也悉出妻所有益之再從昆弟有強取壽田租數百石避去者召之來歸具酒食設床幃與同臥起以慰其心元末仕永嘉尉明召授成安丞調營道臨邛二縣以事謫大同未幾復膺召未赴而卒所著有隨寓稿

章良民字士良幼失怙恃悲哀思慕人見而憐之其兄山民盡心撫教爲弟子員窮經博史安厝父母竭力殫貲哀若袒括時膺貢入太學除授刑科給事中夙夜勤出納敷奏必允糾正闕違一無偏黨奉命行寧藩冊封禮遂掌科事九年考滿卒章壽字希盛三歲喪母石氏卽悲啼不食旣長事繼母趙氏如事所生正統丁卯父感風疾壽爬搔撫摩扇枕執褻器辛勤服勞終夜弗寐如是者五年一日父握筆書紙曰壽真孝子吾無以報惟願汝無我疾汝子汝孫常如汝孝旣而父病轉劇

壽益恭謹承順扶掖導引寒暑晝夜靡間迎醬禱
神惶惶涕泣若小兒狀形容枯槁手足皸瘃弗之
恤如是者又十年父沒水漿不入口泣血三年忌
日必哭泣如初喪後督學鄭公瓊廉其事特造廬
存問載之修學碑記中以風勵諸生云

入郡志

張觀僧字子用元季隱居不仕父目雙瞽奉養不
衰至正間寇亂居人皆驚走骨肉不相顧觀僧謂
其姪德邦曰吾父失明汝父多病吾與汝家貲不
暇顧矣救父爲急脫有不幸當以身代可也德邦

然之乃相與各負其父逃避鷓鴣山中俄而賊至
揮白刃索金欲殺之二人卽叩頭流血請以身代
父賊感而釋之父子遂得俱全父歿廬墓三年有
風木倍淒情空咽松間月之句爲世所傳

入郡志

陳大禎字景瑞三都研頭人不學而性至孝父懷
仁感心疾每發狂輒痛捶其子大禎負杖受捶惟
謹父尋悟而止且病痲性好不常隨山水無不負
之登涉如命坊市劇戲亦負父嬉笑以觀衆以陳
孝子目之父偶食肉索蒜妻有靳色逐出其妻後

父以爲不可乃迎還一日父謂曰吾佯死汝試哭
滇初難之後竟長號悲不能止隣人聞之詫曰汝
父癡子亦癡耶禎曰吾念父終不免此故不覺痛
心耳待弟景通極友愛有司屢加存恤旌曰孝子
之門

蔡丕承字繼廣性聰明涉獵經史善詩文純孝出
自天植父嘉謀正統初戍遼東金州衛承痛思日
夜滂泣奮志勵學將祿仕以迎其父未幾父病卒
丕承聞之哀毀幾絕衰經徒步至遼東得父屍抱

哭又幾絕扶柩歸葬鄉名士咸爲詩歌贈美之由
歲貢授九江府德化縣教諭正巳以率人有蘇湖
安定風成就發科爲名卿者甚多皆推本教澤立
碑紀去思葬王婆亭劉忠器撰誌

張居禮字節之邑庠生因父病棄業歸養及父卒
哀毀踰禮卜葬豫營欲廬墓次母史氏止之曰我
久病不欲汝去左右乃攢父淺土侍母左右二十
七年非母命不入私室母有繼弟素鍾愛延之同
處以慰母心仲兄攬解舟覆失官銀六十餘兩有

司督急母以爲憂居禮易已田助償之母嗜魚于石坂拆室爲池身自芟草餵畜以供甘旨人名曰孝魚池母年九十八而卒合葬柘溪廬于墓悲哀如初喪時疫大作死者相半人皆避之居禮心未常動災亦不染人謂誠孝所感云屢爲鄉飲賓及卒監司孫公移檄榜其名於旌善亭

章良駿醴泉人早喪父其祖章存頑病瘋手足拳攣不舉駿日夜不離左右梳櫛楷杖撫摩病瘡靡所不至家貧極力爲具膳羞多口哈以飼煦煦然

如哺嬰兒狀每春和輒背負以行柔聲怡色冀得其歡凡十歷寒暑弗輟祖病轉劇加痢駿侍疾愈謹手爲之拭穢無難色祖對衆每涕泣爲言其孝一日病稍愈承命他出祖扶杖園中蹶于溝坎不能起駿忽心動驚悸奔歸扶救蓋其心無時刻不在祖旁也祖年八十四終殯塋以禮人稱順孫而監臨有司歲加獎勸焉

人郡志

呂好和名樂性至孝父歿喪祭以禮奉母及祖母曲盡愛敬母疾顙天祈代煮藥和羹幾裂膚爛指

嘗出貲以贖族貧遇吉凶事悉為處分里有爭多
就質之冬夏具茗粥濟饑渴者名儒吳與弼題其
卷

潘憲朝本名楠號璞庵少篤學以父百歲翁疾遂
棄舉子業終養教諸弟撫遺孤咸承順親意母喪
哀毀廬墓二年思父遠居還家奉之朝夕孝養備
至父感足疾年已七旬猶躬調藥食扶起居性剛
直不苟取與至賑貧貸逋還遺金多人所難能者
邑令累以孝義旌之詳見都水員外俞振強狀

呂世舟字中濟號巨川性至孝孤事母極切弟
篤于恩持已怙怙然不儉甘澹泊賦乏恤困每焚
券捐貲能大度包容人嘗言一朝之忿忘其身以
及其親非孝也喜吟咏工草書著有散齋稿年五
十捐棄一切優游卒歲子五人長子克勤代勞甚
喜之有閒庭獨立渾無事傳語諸孫報我兒之句
其生平詳瑞昌王勅賜樂善雲崖所撰墓銘

呂光演號蘭洲少為邑諸生淹雅端凝見知于孔
文谷唐荆川薛方山諸公嘉靖朝歲薦入京率諸

生上慶壽表廷試後卽賜冠帶任休寧訓崇齒德
講經學甄拔不爽教澤大著生平孝友廉潔善繼
述先志于宗祠中題作義藏以安祧主事大父母
逮父母存歿葬祭莫不誠恪盡禮撫庶弟孤侄輩
爲綜析家產情義允愜推念外家窘替與置塋屋
祀田伯兄大司馬光洵爲御史代巡蘇松時安姓
者被訪齋數千金詣演演嚴邵之吳中至今傳呂
御史清乃弟亦清一云居家善彈琴工詩喜琴右軍
書法所著有春秋安旨借月軒集行世

俞大漢幼失生母事嫡母黃以孝聞女病瘋臥不
安席漢橫身床蓐俾母足加其上手不輟摩撫口
歌謠以適其心便液下親爲拭席滌器晝夜靡倦
旣歿哀慕終身諸當道旌其門給冠帶粟帛年逾
九十卒

呂玉卬字志函號源泉讀書博雅爲邑諸生性篤
孝孺慕殷殷父母稍色不愉輒左右不離母病劇
親嘗藥餌三年衣不解帶禱于神夢神告曰汝但
虔往天台石梁問高僧有藥可治遂齋戒徒步至

石梁果有老僧跌坐哀告之故僧出藥一九封固付之曰路中不可開酬以厚價不受回首忽不見至家開封異香盈室服之病愈九月又病渴思瓜遍覓不得忽於園中拾得一瓜穰紅而大味甜如蜜剖食之渴遂止皆以爲純孝所感

石槐永新縣令敬顏孫居小將事親至孝父病侍湯藥躬廁踰沐浴滌垢如是者七年無倦病終哀毀骨立柩殯在庭隣火延熾仰天號慟風反火滅歸葬汪坑廬墓三載有六月晨昏奉菽水稟請音無異生存至今有孝子廬

陳所志字汝成事親以孝稱待庶母弟友愛尤篤嘗閉戶讀書工古文詞一日覽其祖南坡所著道統管窺及衡門吟等集喟然曰吾祖以理學垂世可勿繼其志乎遂棄舉子業一以躬行實踐爲學族黨有過則直言規之里中失德者輒相誡曰勿令陳述峰知也年二十喪偶終身不再娶子善言仍早喪偶亦以鰥終人稱爲兩世義夫

呂和筠字六符明末補邑諸生性敏悟博通經史

幼隨父宦聞父病侍湯藥衣不解帶者數月及父卒于官數千里扶櫬歸哀號不絕聲見者驚歎事母曲盡子道終身孺慕不衰視兄弟子如已子年方壯絕意進取或謂子先世積厚德後必有興者况才如子乎笑答曰人各有志不可強也居恒備述先人遺訓誡其子秉夏音輩曰積德生富貴一人可延數百世富貴不積德數百世卽衰息于一爾祖之言也若曹奚事遠師古人無忘祖訓可耳生平而介好施重義然諾不苟有古人風

俞從觀邑庠生也爲漸齋公次子天性純孝潛修篤學屢困棘闈遂樂志 休泉以高隱自尚居家儉樸持躬謙下邑人咸器重之漸齋公任授南海歿於官署聞報痛絕家人救甦不入湯水者七日長兄扶柩還家號動湧血見者莫不慘傷筐囊竟置不問析產以饒薄自予事母定省曲盡喜則欣躍不勝感則坐卧不安必徐俟而始釋族中推爲宗長凡巨細事致爭皆質成于觀觀悉以情理輸服之故俞氏之門卒無有訟于官而傷誼者聞有不

能完婚舉墓捐貲以助之訓二子長學祖次學吾
列覺序博學攸歸乃中道捐棄配姚氏矢守善事
厥姑享年九十有奇姚璫百有七齡子孫繩繩蓋
天之報觀者獨厚也

何廷諫本邑庠生生而穎異博聞強識多所畏服
居家庭之際孝友兼盡仁義均施持身以端嚴謙
讓爲先動靜語默不離乎敬有先輩儒者風處鄉
閭中凡有求貸隨分必應絕無德色至於訓誡子
弟惟以敦倫守正爲家誠爲士林中之表式也

子相繼登賢書太史公曰天道無親常與善人

片與道號藏虛始祖評事億季子紹彭自新徒山
陰陡豐興道生而英敏讀書日數行下鄉黨異之
無何以父德瑞病痿不敢頃刻離遂謝舉子業朝
夕拮据養親必致甘旨以悅其志數十年無倦容
及親歿哀毀骨立一時難之居鄉以公平率物鄰
里遠近咸取正焉率長子廷昇其勤克家贍無嗣
之叔父周鄰里之急者造石梁於璜山荷湖以度
涉長子市麻苕溪舟人匿貨將鬻子媳以償令貸

而弗校臨終對其子云予先時曾爲族弟某代書
借券以解其紛今將予橐中金償之以完吾志諸
如此類厚德持躬仁人長者之用心宜其久而必
昌也今仲子廷雲以已酉魁於鄉孫枝蕃盛廬陵
劉作樑爲之著行狀三韓陳大典贊曰卓哉典道
實惟天民弗榮進取孝養厥親終親之世孺慕彌
真三禮克備不愧大倫抱真處素自重其身好施
賑急體貌恂恂彼蒼福善麟趾振振河東之後冠
崑山新非有遐邇水木所因川彰邑乘永無衰運

陳三省字思曾性溫醇弱冠補弟子員手錄經史
滿車所纂註每有獨解其持身接物退然若不勝
及遇事可否又未常不侃侃焉祖父竝早鰥三省
曲體隱微纖悉備至奉甘旨者無不謹年三十八
祖父同時去世哀毀致疾猶強起治喪姻戚慰解
之艱然日終天之恨不及躬親雖生奚爲力疾勞
瘁遂不起不旬日間父以喪祖而亡省以祖父連
喪而殞世篤孝思聞者莫不感慟

呂和鼎字銘功弱冠補諸生文名籍甚父卒於官

號慟濱死者再扶輓歸事母篤孝所居燬母命新
搆諸弟嫌已基隘慨然曲就之與朋友交緩急可
恃早喪配僅一子不復娶口不談人過得失榮辱
不動其心力學不倦所著有四書直講尚書指南
西園文集

呂和朝博聞篤行家學淵源兼賦質奇穎讀書一
目十行幼時卽善詞章聲律爲諸生尤孜孜嗜古
芸牕雪案寒暑不輟每落筆雲灑蒲楮樹幟菰林
爲字內知名士然自懼其踰也約之理道嘗著周

詮解融貫時雲間王光承及江上吳越諸賢凡人
材稱最而砥脩雅飭者意氣相許樂與之交摠惟
束心敦樸植性孝友童穉失父事母純恪母以老
病藥餌親嘗閱數月衣不解帶母故哀毀骨立戒
屬戒之曰送死固大事但爾形勞容悴當節哀
之曰終天罔極曷以身爲扁戶號泣寢食具
以哀思終君子曰孝思不匱永錫爾類其和朝之
謂歟亟採之誌諸邑乘垂之貞珉亦于人心風俗
少俾云爾

鄉賢之六隱逸

五代石延翰志行高邁父渝仕吳越錢氏為吏部尚書兄延俸封司空獨延翰耻之不仕隱居沃洲結廬於白雲谷以書史自娛號雲和子人稱羽林先生後贈白雲先生

宋石余亨字成巳以文行見稱於時登咸淳進士仕鄞及衢巳而棄官歸沃洲自號休休翁避丙子之亂奔走萬山中更號遁翁平生善為詩文孫璞檢拾遺稿欲鈔梓弗許曰聊以適吾意爾未必名家

巳而慨然曰吾家更八九世皆不失素業至余身益窮今老矣然不辱於盜賊不死於道路得奉遺體下從先君子於九原亦幸矣因預為之銘銘曰膠膠乎申申乎將久存以瘁余形乎寧亟歸以全余真乎悲夫

入郡志

黃惠之字子思黃度之長孫也重厚尚氣節嘗言曰鬼不誦佛不佞心如秤宣和辛丑方臘盜起焚劫新嶧惠之與弟間行陷賊中能以方略誘之潰敗其衆朝廷遣郭統制收復論功行賞惠之辭曰

破賊藉國威非某力也遂隱不出

石揮祖字光遠性惇愨事親孝佐兄明遠治家政

尺帛斗粟不入私室有司科徭身獨任之雖櫛風

沐雨未嘗厭苦曰無以煩吾兄也癸巳歲大歉出

羨餘粟以贖鄉里遭世多故不復慕仕進發為聲

詩意味冲澹宋景濂為銘墓

石公孺字長孺待旦曾孫為人警敏孝友有經術

高尚不求聞達丞相謝克家以國士視之高宗詔

求遺逸使者朱異薦其長于三傳召對稱旨命之

官固辭高宗曰卿當為朕勉受一官乃授迪功郎

進其所作春秋類例命藏館閣再授監南岳不就

還山 入郡志

黃奇孫字行素宣獻公會孫敦行誼有古風師事

俞浙石九成會稽韓明善該博經史聲重一時隱

居不仕或勸之應試曰銜玉非吾志也所著有南

明志蚓鳴集及輯祖三朝言行錄藏于家一日倚

門歌曰夜夢逢初度悲歡見我翁吾其逝矣遂卒

入郡

志

潘音字聲甫幼聰敏日記千餘言博極羣書爲文能臻奧理生甫十歲而宋亡見長老談匡山事輒潛然涕下及長讀夷齊傳遂擊節憤嘆日惟杜門讀書談道以賢聖之學自期優游厭飫多所自得其友夏圭孫題其居曰資深堂爲之記後訪弟元甫於義烏會黃晉卿因偕圭孫往從草廬吳澄學澄泰定間以薦召欲行音勸止之不從遂歸築室南州山中自名其軒曰待清隱居二十餘年謝棄世紛累徵不就日專著述發之歌詠有激昂慷慨

之風學者因稱爲待清先生所著有待清軒稿書語錄行於世詳見天台戴沈傳入郡志

明呂不用初名必用字則行嘗應元鄉舉右音名

長悟曰吾家世宋臣仕非義也遂更名不用字

畊率諸弟躬耕石鼓山下以奉二親繼聞黃先生

瑄講學金華裹糧從之自六經諸子傳記騷詩以

至醫筮星律兵家竒秘之說皆博涉溥蓄爲詩文

辨博汪洋出入班馬李杜一時麗靡排習盡洗與

其叔呂升天台陳川徐一夔金華宋景濂青田劉

基唱酬往來基微時遊放不羈俗呼爲劉狂不用
與遊或嗤之曰此子業萎矣何從劉狂遊耶及基
翊輔明興屢欲薦之以聾疾固辭晚年應經明行
修辟授本學訓導時亂餘禮經晦蝕率諸生綜釐
蒐剔親爲疏解且訂集朱子家禮行之一時翕然
向化復以聾疾告致仕因自號石鼓山聾後居東
峴山又號峴西病牧所著有得月稿收坡稿力臣
稿行世載兩浙通誌卒祀鄉賢子稷亦以學行著

名

入郡志

世之在
天也
猶如
浮海
之舟
一遇
風浪
則覆
舟之
禍
立至
矣
故
君子
居
則
思
危
行
則
戒
懼
以
自
保
也
此
書
之
意
也

